

c.801—802

Haec lege, sancte^a pater felix^b feliciter, atque
 Sis memor Albini¹ per tempora longa magistri,
 Dum sacris Domini supplex altaribus adsis,
 Ut pius omnipotens solita pietate relaxet
 5 Vincula criminibus cuius condigna nefandis, 5
 Ut valeat tecum gaudens laudare tonantem,
 Post huius Domino vitae miserante labores².
 Angelus almipotens caeli directus ab arce,
 Per³ terras, silvas, colles comitetur euntem.
 10 Per castella, vicos, per fortia flumina terrae, 10
 Semper ubique, precor, ducat simul atque reducat
 Gaudentem, sanctae cum prosperitate salutis,
 Te, pater alme, deo Christo donante, per aevum.
 Tu valeas, vigeas semper, carissime^c praesul!
 15 Cumque tuis cunctis ovibus, per pascua vitae 15
 Quae currant sanctos virtutum carpere flores;
 Te ducente, pater, pastor, patriarcha, sacerdos^d.

244.

Alcvinus Nathanaelem discipulum ad vitam honestam et religiosam exhortatur et vitare iubet columbas volitantes per cameras palatii. c. 801—802.

Cod. H fol. 98—98'.

Edd. F 186, J 179. — Migne col. 375.

DULCISSIMO FILIO MEO NATHANAELI⁴ ALBINUS PATER SALUTEM.

Obsecro te, fili mi, fili carissime, ut vita tua fiat et conversatio honesta et relegiosa atque^a sine omni reprehensione, in quantum fieri possit, coram Deo et coram hominibus; ut intellegatur, quanta eruditione edoctus fuisti. Sanctitas tua et venerabilis relegio laus est mihi apud homines et merces apud Deum. Non veniant^b coronatae columbae ad fenestras tuas⁵, quae volant per cameras^c palatii, nec equi indomiti inrumpant ostia camerae; nec tibi sit ursorum saltantium cura^d, sed clericorum spallentium. Sint verba in veritate modesta, et vox temperata, et silentia considerata; et cui dicas, diligenter examinatum. Nec te alienis inmisce dissensionibus, 30

^a) sanctae C, I. ^b) felix om. E. ^c) carissimae C, I. ^d) In codice I secuntur haec: In huius codicelli corpore continentur epistolae Albini magistri ad Arnonem archiepiscopum. I. item expositio in VII psalmos paenitentiae. II. item eiusdem epistula ad pueros adulescentulos de confessione peccatorum. III. item expositio in psalmum CXVIII. IIII. expositio quoque de patrum dictis brevis in psalmos XV canticum graduum.

244. ^a) adque H. ^b) venient H. ^c) camaras H. ^d) d. ora H; cura om. Watt.

1) Cf. *Carmen ad Paulin.* v. 3 (*Poet. I*, 240): Sis memor Albini sacris altaribus adstans; ad *Samuel.* v. 26 (*ib.* 228). 2) Cf. *Aen. I*, 597: miserata labores. 3) Cf. *Alcvinus Versus* (*Poet. Carol. I*, 265 v. 21. 22; 267 III, 3. 4): Per campos, colles, silvas et flumina pergens | Semper iter Christus protegat ecce tuum. 4) Cf. *infra* p. 393: sed nuper de nido paternae edocationis educti ad publicas evolastis auras; ante has litteras igitur nostrae scriptae sint oportet, in quibus Nathanaelem de modo in palatio vivendi instruit. 40 *Magistrum eum in schola palatii fuisse docet etiam ep. 261. Iam a. 796. eum in aula versantem describit Theodulfus* (*ad Carol. reg. v. 175. 176, Poet. Carol. I*, 487): Stet levita decens Fredegis sociatus Osulfo, | Gnarus uterque artis, doctus uterque bene. 5) *Isai. 60, 8*: quasi columbae ad fenestras suas.